

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), člana 2. st. (2) i (4) Odluke o korištenju akumuliranog viška prihoda nad rashodima Regulatorne agencije za komunikacije Bosne i Hercegovine ("Službeni glasnik BiH", broj 34/09) u vezi sa članom 1. stav (2) tačka 3.3. Odluke o usvajanju Politike sektora emitiranja u Bosni i Hercegovini ("Službeni glasnik BiH", broj 18/07) i zaključcima Vijeća ministara Bosne i Hercegovine sa 75. sjednice, održane 5. februara 2009. godine, na prijedlog Ministarstva komunikacija i prometa Bosne i Hercegovine, Vijeće ministara Bosne i Hercegovine na 129. sjednici, održanoj 27. jula 2010. godine, donijelo je

ODLUKU

O UPOTREBI DIJELA SREDSTAVA AKUMULIRANOG VIŠKA PRIHODA NAD RASHODIMA REGULATORNE AGENCIJE ZA KOMUNIKACIJE BOSNE I HERCEGOVINE ZA FINANSIRANJE DIJELA PROJEKTA DIGITALIZACIJE MIKROVALNIH VEZA JAVNIH RADIOTELEVIZIJSKIH SERVISIA BOSNE I HERCEGOVINE I ODAŠILJAČA ZA POKRIVANJE DIGITALNIM SIGNALOM PODRUČJA SARAJEVA, BANJE LUKE I MOSTARA

Član 1.

(Predmet Odluke)

Ovom Odlukom određuje se upotreba dijela sredstava iz člana 2. st. (2), (3) i (4) Odluke o korištenju akumuliranog viška prihoda nad rashodima Regulatorne agencije za komunikacije Bosne i Hercegovine za 2008. godinu ("Službeni glasnik BiH", broj 34/09) za finansiranje dijela Projekta digitalizacije mikrovalnih veza Javnih radiotelevizijskih servisa Bosne i Hercegovine (u daljem tekstu: Projekat) i odašiljača za pokrivanje digitalnim signalom područja Sarajeva, Banje Luke i Mostara.

Član 2.

(Upotreba sredstava)

Sredstva iz viška prihoda nad rashodima Regulatorne agencije za komunikacije Bosne i Hercegovine za 2008. godinu u iznosu od 4.232.000 KM upotrebljavaju se za finansiranje dijela Projekta i to digitalizaciju:

- a) mikrovalnih linkova na relaciji Sarajevo-Banja Luka i Sarajevo-Mostar cca. 3.000.000 KM;
- b) odašiljača za pokrivanje digitalnim signalom Sarajeva, Banje Luke i Mostara cca. 1.232.000 KM.

Član 3.

(Komisija za izbor realizatora zadatka)

(1) Komisija za izbor realizatora dijela Projekta iz člana 2. ove Odluke, provodi javnu nabavku, u skladu sa Zakonom o javnim nabavkama Bosne i Hercegovine ("Službeni glasnik BiH", br. 49/04, 19/05, 52/05, 08/06, 24/06 i 70/06) i čine ga:

- a) po dva predstavnika koje imenuje Ministarstvo komunikacija i prometa Bosne i Hercegovine i Ministarstvo finansija i trezora Bosne i Hercegovine;
- b) po jedan predstavnik koje imenuje Javni radiotelevizijski servis Bosne i Hercegovine, Javni radiotelevizijski servis Federacije Bosne i Hercegovine, Javni radiotelevizijski servis Republike Srpske.
- (2) Predstavnik Ministarstva komunikacija i prometa Bosne i Hercegovine predsjedava Komisijom iz stava (1) ovog člana.
- (3) Administrativno tehničke poslove za potrebe Komisije obavlja sekretar, kojeg imenuje Ministarstvo komunikacija i prometa Bosne i Hercegovine.
- (4) Po okončanju postupka javne nabavke Komisija podnosi izvještaj Vijeću ministara Bosne i Hercegovine, putem Ministarstva komunikacija i prometa Bosne i Hercegovine

Član 4.
(Praćenje realiziranja Projekta)

Realiziranje Projekta iz člana 2. ove odluke prati Ekspertna grupa imenovana Odlukom o imenovanju članova Ekspertne grupe za praćenje realiziranja Projekta digitalizacije ("Službeni glasnik BiH", broj 93/07), o čemu najmanje jednom u šest mjeseci, podnosi izvještaj Vijeću ministara Bosne i Hercegovine, putem Ministarstva komunikacija i prometa Bosne i Hercegovine.

Član 5.
(Realiziranje Odluke)

Za realiziranje ove Odluke zadužuju se Ministarstvo finansija i trezora Bosne i Hercegovine i Ministarstvo komunikacija i prometa Bosne i Hercegovine.

Član 6.
(Stupanje na snagu i objava)

Ova Odluka stupa na snagu danom donošenja i objavljuje se u "Službenom glasniku BiH".

VM broj 210/10
27. jula 2010. godine
Sarajevo

Predsjedavajući
Vijeća ministara BiH
Dr. **Nikola Špirić**, s. r.